

靈寶領教濟度金書卷

一百三十九
之一百四十

問七

靈寶領教濟度金書卷之一百三十九一百四十四

同卷

問七

洞微高士開光救苦真人竊全真授

靈寶通玄弘教水南先生林靈真編

科儀立成品祈禳通用

周天燈儀

步虛

灑淨

祝香

碧霧浮空綠雲凝靄遍十華而鬱秀騰六合
以融芳牛首氤氲獅頭縹緲以今恭執寶香

遙瞻供養

太上無極大道三清上聖十極高真紫微垣
帝座星君太微垣帝座星君天市垣帝座星
君勾陳華蓋天皇大帝君太陽鬱儀帝君太
陰結璘皇君五方五德星君四餘四曜星君
南辰六闕延壽星君北極九府延生星君東

問七

一

方蒼龍七宿星君南方朱雀七宿星君西方
白虎七宿星君北方玄武七宿星君周天乾
象十二分次一切星宰仗此寶香普同供養
伏聞秉陽有赫耀三景以開明垂象無私散
五常而迴度碧落內尊於帝座玄虛旁列於

星垣烏兔循環定曉夜晦明之象虎龍輪轉
正朝昏出沒之期爲帝車而定南北之樞機
周天輻而正東西之橐籥一十二次上列虛
無三十六禽下符妙有中外宮別隱見之異
黃赤道辨邪正之差俯司方域之災祥仰詔

玄穹之機普凡伸控謝必獲感通依依臨下
之恩切切由中之禱今醮官某乾清胤炁坤
濁凝形荷經緯之照臨感玄黃之化育仰瞻
紫漢炯然而瓊彩陸離陸離青霄燁爾而瑤
芒璀璨皈依芝座環列蓮缸周天之璧月呈

輝傾心事上帝地之珠星流彩稽首由中扣
風磬以球鳴擊雲鐘而玉振步虛朗徹梵唱
流明闢祝

無上周天星燈一座恪祈景貺庸輅蕃釐伏
願黜官某心地冰清性天玉潔景星夕曜履

問七

二

福地以熙春湛露朝濡樂壺天而宴景金波
高照玉漢斜飛五福雲臻固精神而不老三
壽天錫御步武以長新庶彙均榮一人有慶
澤飛潛而化化滋動植以生生稽首皈依無
極大道

福生無量天尊

臣衆等志心皈命無上玉虛天紫微太微
天三垣帝座星君勾陳華蓋天皇大帝
星君斗中神仙和諸靈官

伏聞東西蕃環列尉丞後臨閣道左右掖周
羅將相前御端門太微號三光之庭紫微受
衆星之拱旁稱天市實應地封勾陳尊大帝
之居華蓋顯天皇之位握三元牒秉萬神圖
外昭布於星垣內聿嚴於天座光明潤澤表
九重休徵之符微暗昏蒙示萬乘災期之兆

凡勤拳而皈命必激越以馳神今醮主某饗
帝克誠事天以實望蘭缸而容與想芝炬之
熒煌皈命無上玉虛天紫微垣帝座星君太
微垣帝座星君天市垣帝座星君勾陳華蓋
天皇大帝星君伏願民情上通天休下達萬
八千歲逍遙盛世之春秋千二百年遊宴清
時之日月朱顏怡悅綠鬢豐茸稽首皈依虔
誠讚詠

問七

三

信禮無上玉虛天紫微垣帝座星君太

微垣帝座星君天市垣帝座星君勾陳

華蓋天皇大帝星君

玄象垂光 碧落流芒 紫微太微 天市居旁
中嚴帝座 臨照萬方 一人有慶 潤澤吉昌
御勾陳口 越有天皇 下司黎庶 昭爾災祥
小兆皈命 惠澤無疆 和願得長生

福生無量天尊

臣衆等志心皈命無上玉虛天太陽炎光
帝君太陰素曜元君斗中神仙和諸靈
官

伏聞鬱儀結璘胤陰陽之精粹方諸陽燧承

烏兔之英華麗天而五色流芒燭地而萬方
煥景負珥抱璫仰吉徵於玄虛重暈陽光瞻
嘉符於碧落光騰暘谷影浸廣寒別分至啓
閉之差盈縮升降辨朔望晦明之異肫肭疾
遲雖來往於天中實升沉於地表凡勤拳以
皈命必激越以馳神今醮主某饗帝克誠事
天以實望蘭缸而容與想芝炬之熒煌皈命
無上玉虛天太陽炎光帝君太陰素曜元君
伏願上帝鑒觀下民欽若八荒壽域通無聲
無色之天九軌福鄉造不識不知之地物無

疵癘家有禎祥稽首皈依虔誠讚詠

信禮無上玉虛天太陽炎光帝君太陰

素曜元君

陽精陰粹二景流暉經天煥彩旋行兩儀
炎光歲周黃華月馳一見一隱晝夜陸離

問七

四

入交入轉肱胸盈虧下司黎庶明示普機
小兆皈命百祿來宜和願得長生

福生無量天尊

臣衆等志心皈命無上玉虛天重華執法

太白伺晨地暎五德星君斗中神仙和

諸靈官

伏聞東西南北中布五方而應化木火土金
水分五德以行權仁表號於青華禮尊名於
熒惑因主客而分勝負太白轄兵由出入而
別昏晨伺晨典戰國家吉曜福德填星空碧
災符變芒角鈎紀之象清臺常數匿伏逆進
退之躔經行出炎光後先步占循黃道左右
凡勤拳而皈命必激越以馳神今醮主某饗
帝克誠事天以實望蘭缸而容與想芝炬之
熒煌皈命無上玉虛天五靈五德星君伏願

純嘏風生嘉祥日至鳶飛魚躍生生自樂於
春臺獸舞鳳儀化化常遊於夏屋天和雜襲
帝渥駢蕃稽首皈依虔誠讚詠

信禮無上玉虛天五靈五德星君

五靈列位 煥明五方 同七 歲星輔德 水曜除殃

執法禮象 太白騰光 地暎拱照 邦家吉昌

容流飛奔 水火兵荒 下司黎庶 順祥逆殃

小兆皈命 福德來翔 和願 得長生

福生無量天尊

臣衆等志心皈命天一紫炁星君太一月

字星君交初羅暎星君交中計都星君

斗中神仙和諸靈官

伏聞主常主變以潛形仰天一太乙之號行
陰行陽而隱道企交初交中之稱曆紀四餘
名傳九執示福德兆災異烝字殊形推交食
對闇虛計羅異狀或逆行於黃道或順步於
清虛周伯熒煌想道星之夕見蚩尤昭哲宜
享曜之宵輝統領堪輿斡旋宇宙凡勤奉而
皈命必激越以馳神今醮主某饗帝克誠事
天以寶望蘭缸而容與想芝炬以熒煌皈命

無上玉虛天天乙紫炁星君太乙月孛星君
交初羅睺星君交中計都星君伏願民意潛
通帝心昭鑒歲功七十二候喜炁長春暮周
三百六旬祥光不夜門庭侃侃閭里雍雍稽
首皈依虔誠讚詠

信禮無上玉虛天天乙紫炁星君太一
月孛星君交初羅睺星君交中計都星君
順行天道道星彗星逆行乾度首尾周經
三凶一吉萬品權衡炁回四七孛運九齡
羅計十八倒景分程下司黎庶獨照福星

小兆皈命禎祥來并和願得長生

臣衆等志心皈命南辰六闕延壽星君北

極九府延生星君斗中神仙和諸靈官

伏聞地之北天之中配七元於七政地之南
天之北位六司於六辰爲天車而臨制四方

問七

六

主天廟而權衡六合天之喉舌表論思獻納
之忠帝之股肱領爵祿賢能之任尊居朝著
權典疑丞移節度以佐中垣運行赤道典壽
命而儕列舍主宰黃圖乘魁建杓枕參觜角
凡勤拳而皈命必激越以馳神今醮主某饗

帝克誠事天以實望蘭缸而容與想芝炬以
熒煌皈命無上玉虛天南辰六闕延壽星君
北極九府延生星君伏願帝渥昭宣民欲廣
遂朝多罔鳳鞠青草於圓扉野絕谷駒靜綠
林於方域擊壤自樂負耒相歡稽首皈依虔

誠讚詠

信禮無上玉虛天南辰六司延壽星君
北極九府延生星君

維北有斗南斗同倫南機北樞三省爰分
權衡攸寓將相稱尊一領金華一定晨昏

中幹帝化 月鬼日鬼 下司黎庶 何福不臻
小兆皈命 步武生春和願得長生

福生無量天尊

臣眾等志心皈命東方蒼龍角亢氏房心
尾箕七宿星君斗中神仙和諸靈官

問七

七

伏聞象表蒼龍典東陸之七宿名尊太皞領
震位之諸星角職兵刑亢主疾疫氏為休解
之舍動有征徭房乃明堂之宮靜司車駕心
號天王賞罰之位尾稱後宮后妃之場或內
朝或內庭奏事所屬曰天衢曰天馳布政攸

歸箕標嬪御之宮亦爲胡格之客凡勤奉而
皈命必激越以馳神今醮主某饗帝克誠事
天以寶望蘭缸而容與想芝炬之熒煌皈命
無上玉虛天東方蒼龍角亢氐房心尾箕七
宿星君伏願慶錫九清災消五濁景星夕燦
遍九野之光輝湛露朝濡廓八圓而潤澤萬
象止止庶績熙熙稽首皈依虔誠讚詠

信禮無上玉虛天東方蒼龍角亢氐房
心尾箕七宿星君

東獸蒼龍角尾包維廣袤震方所象是宜

南箕口舌 天根應氏 理獄聽訟 錄功發欺
亢暨房心 䟽廟爰依 下司黎庶 昭灼明輝
小兆皈命 萬福咸熙和願得長生

福生無量天尊

臣眾等志心皈命南方朱雀井鬼柳星張

翼六軫七宿星君斗中神仙和諸靈官

伏聞朱雀標稱統陸離之七宿炎帝應化任
離位之諸星井主水衡鬼為祠事柳號厨宰
和滋味而主木功星典衣裳守盜賊而領急
事張列珍寶服御而觴客翼職徘徊戲樂以

肅賓爲亭堦爲天都法令平而金玉積爲官
負爲器府要荒至而禮樂興軫爲家宰輔臣
之官兼司車騎裁任之職凡勤奉而皈命必
激越以馳神今醮主其饗帝克誠事天以實
望蘭缸而容與想芝炬以熒煌皈命無上玉

問七

虛天南方朱雀井鬼柳星張翼軫七宿星君
伏願頒賜上玄承休下土靈風披拂廓四海
以清夷聖日昭融會八紘而開泰扮掄露潤
桑梓煙消稽首皈依虔誠讚詠

信禮無上玉虛天南方朱雀井鬼柳星

張翼軫七宿星君

南方朱雀啄翼參差 統領離方三鶉流披
鬼察奸謀柳主風雷 井為南門星典燭水
張號宗廟翼軫風隨 下司黎庶變動先知
小光皈命延納嘉禧和願得長生

福生無量天尊

眾等志心皈命西方白虎奎婁胃昴畢
觜參七宿星君斗中神仙和諸靈官

伏聞白虎標名總西陸之七宿少皞司化領
允位之諸星武庫奎司天獄婁職胃為天藏

主倉廩以賑饑昂曰天街號旄頭而備敵畢
任邊將觜典兵儲溝瀆攸司主犧牲而職孫
子弋獵是掌典葆旅而務斬除參膺殺伐之
權兼任要荒之外凡勤拳而皈命必激越以
馳誠今醮主其饗帝克誠事天以實望蘭缸
而容與想芝炬之熒煌皈命無上玉虛天西
方白虎奎婁胃昴畢觜參七宿星君伏願麗
日融怡和風鼓動祥光洞煥四時消無妄之
災瑞氣昭回八節輅有孚之慶百昌茂育萬

寶生成稽首皈依虔誠讚詠

信禮無上玉虛天西方白虎奎婁胃昴
畢觜參七宿星君

獸標白虎耳昴目奎統領充方西成攸施
婁主聚眾胃職荒饑畢司邊兵收斂觜時
參主權衡微澤來歸下司黎庶福祿焉依
小兆皈命百順咸宜和願得長生

福生無量天尊

臣眾等志心皈命北方玄武斗牛女虛危
室壁七宿星君斗中神仙和諸靈官

伏聞玄武標名統北陸之七宿顯頊司治領

坎位之諸星斗號福廷牛主道路女稱婦職
之象絲綿金寶以製裁虛應宰臣之尊祠祭
岡陵而哭泣危有土功架屋之事室曰清廟
軍糧之儲為宗廟為關梁兼典壽命主瓜果
主祭祀仍領桓楹璧掌圖書亦拱田宅凡勤
拳而皈命必激越以馳神今醮主某饗帝克
誠事天以實望蘭缸而容與想芝炬以熒煌
皈命無上玉虛天北方玄武斗牛女虛危室
璧七宿星君伏願宸渥日宣民欲雨集時調
玉燭三光全而寒暑平歲屬金穰五穀熟而

人民育千林有喜一炁無私稽首皈依虔誠
讚詠

信禮無上玉虛天北方玄武斗牛女虛
危室壁七宿星君

精明玄武騰蛇孔昭斗為太虛犧牲主牛

問七

嫁娶女職園陵虛昭危號天市室稱廟朝
文章土功東壁兼標下司黎庶履御優游
小兆皈命百祿是道和願得長生

福生無量天尊

臣眾等志心皈命周天分野十二辰次一

切星君斗中神仙和諸靈官

伏聞周列分野自玄枵至陬訾而莫差包別
封疆由寶瓶至雙魚而無忒標常名可名之
顯號表當見未見之隱躔赤黑黃精編集允
資於卓氏石甘巫姓步占端藉於陶生察天
上之興衰定人間之禍福三垣璧燦照臨有
大小之殊列舍珠聯運行有踈密之異吉凶
昭應測驗精詳凡勤拳而皈命必激越以馳
神今醮主某饗帝克誠事天以實望蘭缸而
容與想芝炬以熒煌皈命無上玉虛天周天

分野十二辰次一切星君伏願形麗紫虛澤
流黃混逍遙德履迓春到之門庭容與福襟
樂陽生之田里普薰井落均合熙平稽首皈
依虔誠讚詠

信禮無上玉虛天周天分野十二辰次

一切星君

列舍周羅十有二辰布疆之域躔次攸分
繁星在天下典黎元福德機祥變異災迭
各有攸屬影響逡巡明大吉應微暗凶臻
小兆皈命與物為春和願得長生

福生無量天尊

向來關祝周天星燈一座並已周圓伏以三
垣列舍昭昭設象於金經二景五靈奕奕流
形於玉緯開光善瑞兆顯災符大而國有
家或禮樂刑政之變微而若民若庶或兵荒
水疫之憂自非近景既以承天休曷克闡嘉
猷以脩人事今醮官某潔澄五體凝湛一心
念戴玄履黃允藉携持之聖力而攄丹旌素
莫酬化育之神功爰建蘭場肅脩藻範雲旂
縹緲瞻珠座以馳神風蓋徘徊瓊闕而稽

首燄燄想周天之宿煌煌如市地之星福逐
光騰災隨燼落伏願醮官某道心開發德性
昭明挿架籤香七葉溥絃歌之化堆床笏滿
五枝垂文獻之芳學詩學禮之優遊潤屋潤
身而茂悅卿雲耀彩瑞露疑甘凡圖形於端
倪均超跡於覆載拳拳有禱切切無爲稽首
皈依志心稱念福生無量天尊長生保命天
尊消災解厄天尊和不可思議功德

靈寶領教濟度金書卷之一百三十九

靈寶領教濟度金書卷之一百四十

洞微高士開光救苦真人竈全真授

靈寶通玄弘教水南先生林靈真編

科儀立成品祈禳通用

紫府送星醮儀

問七

十二

步虛 燒香頌

各禮師存念如法

宣衛靈呪

五星高耀 瑞氣飛浮 元始集神 天地交周
玉符寶節 嘯命微幽 擲火揚威 奸凶無留

萬魔振伏 紛葩却消 摧怪伐惡 道炁同流
神光照夜 陰翳俱收 萬神降格 扇景乘飈
群生咸遂 惠遍神州和與道合真

鳴法鼓二十四通

無上三天九皇玉帝當召九皇靈官飛龍騎
吏綉衣使者三炁正神急上關啓臣今奉爲
齋意以今設醮陞壇願得

元皇正炁來合臣身令臣所啓速達逕御
中天二大尊帝九晨玉皇道君御前

請稱法位

具位臣與臨壇官衆等謹同誠上啓

太上無極大道三清上聖十極高真中天北
極紫微大帝勾陳天皇大帝南極長生大帝
南極注生大帝日宮太陽上真道君月府太
陰聖后元君東方木德歲星上真道君南方

問七

十三

火德熒惑上真道君西方金德太白上真道
君北方水德辰星上真道君中央土德鎮星
上真道君神首羅睺真君神尾計都真君天
一紫炁真君太乙月孛真君南斗六闕上真
道君北極九府上真道君三台華蓋星君二

十八宿星君十二宮分星君周天分野列宿
乾象六十甲子至德真君醮主某本命元辰
胎生運限旁衝正照流年臨犯一切真宰醮
筵內外應感真君臣聞五大肇圓方之位祖
炁昭回三辰列經緯之精靈光洞煥臨下權
衡於帝政受中橐籥於神機建畿域以定天
元辨方維而周地紀秉陽有赫森羅七政之
樞垂象無私宰制三靈之命況陰陽之運度
有枝幹之循環視聽自民災祥在德今有齋
主某馳神紫極稽首青冥蠲潛慝於家庭徼

蕃釐於步武肅澄蓬陋庸聲葵忱伏願翠葆
前驅縹緲霄衢之御珠幢後擁翩翻輦路之
遊不違方寸之私式副再三之禱臣與醮官
等不勝瞻望激切之至謹稽首再拜奉請

請聖

初獻

稱法位

具位臣某謹重誠上啓

三清上聖十極高真紫微帝君周天星宰醮
筵內外一切真靈臣聞函三凝妙儼萬象以
昭垂得一分靈斡五行而密運紫垣中御黃

道旁周迴旋玉緯之輝璀璨珠躔之耀典樞
機於南界司喉舌於北藩六甲潛推十精隱
遁戴天履地不離臨照之中負陰抱陽孰出
生成之外自湧鶴鳴之玉局爰開龍漢之金
科襍禮有方禧祥可覲今醮官某幸生樂世

問七

十四

獲際真乘念跡混客塵機未明於藏六而心
隨事障識有昧於存三驚歲籥之梭飛慮星
輪之磨轉威芒戰剋拂二運九限之鄉暗曜
刑衝巡四柱三元之度八卦正干於地禁九
宮飛犯於天經維休咎之徵未彰而否泰之

機已兆內聯眷序外及家庭非潔已以問鈞
曷隨心而委貺茅茨不剪肅鯨鐘鸞聲之鏗
鏘黍稷非馨輅鳳輦龍輿之赫奕冀垂玄監
溥錫洪厖口語心生諸業冰消於寥廓人非
鬼責萬緣風散於虛無茂膺福祿壽之祥克
保精炁神之粹碧梧翠竹門迎瑞氣以長新
紫栢蒼松家納祥光而有永均注東華之玉
簡齊登南極之金書切切愚衷昭昭睿澤臣
與醮官等不勝虔禱之至謹稽首再拜

亞獻

具位臣某謹重誠上啓

三清上聖十極高真紫微帝君周天星宰醮
筵內外一切真靈伏聞紫微拱億天之御提
挈群生青羅張列曜之靈携持庶類蠢蠢奚
止於萬姓熒熒各戴於一星遥睇層霄仰瞻

尚七

十五

乾象剛柔明暗既好樂之有殊逆順盈虧况
經行之靡定強弱異度喜怒殊躔際的劫羊
刃則災患雲臻遇祿馬貴人則吉祥日闢天
時易邁人事難周爰請命以陳情諒建極而
錫福伏願太陽在御衆惡逃形挽天河而洗

攬搶景星垂簷臨端門而班爵祿瑞日呈祥
夜光消陽亢之憂素曜散炎精之厄地暎芒
角重華扇仁惠以袪除執法怒凌伺辰布和
柔而勝伏企少陽少陰天乙之曜制神首神
尾太乙之威躍矢無煩揮戈奚暇天月二德
斥刑害於金井數中印祿三奇蕩戰衝於銀
河局內落伏吟返吟之目勾官符病符之目
運限澄清命身皎潔福源流瑩絕門外之風
波壽域宏開宴壺中之日月金華定錄玉液
留顏耀簪紱於于門燦詩書於鄴架春融萬

宇茂莊椿竇桂之華慶藹一庭協周藻謝蘭
之盛倉箱日富隴畝雲連或土木之經營冒
方隅之禁忌各安所部俾相厥居太歲太陰
統靈祇而薦祉九良九煞勒龍鬼以承符蒙
如丹禱之私允賴玄恩之被臣與醮官等不
勝虔禱之至稽首再拜

終獻

告符

行持

重稱法位

具位臣某謹重誠上啓

太上無極大道三清上聖十極高真中天北
極紫微大帝勾陳天皇大帝南極長生大帝
南極注生大帝日宮太陽上真道君月府太
陰聖后元君東方木德歲星上真道君南方
火德熒惑上真道君西方金德太白上真道

問七

十六

君北方水德辰星上真道君中央土德鎮星
上真道君神首羅睺真君神尾計都真君南
斗六闕上真道君北極九府上真道君三台
華蓋星君二十八宿星君十二宮分星君周
天分野列宿乾象六十甲子至德真君醮主

其本命元辰胎生運限旁衝正照流年臨犯
一切真宰醮筵內外應感真靈伏聞四時之
景不同天光委照諸福之物並至帝貺旁敷
金符告命於九天玉燭宣和於十地曲蒙善
應式慰精忱刻骨銘心儻叛岱溟之厚澤摩
頂放踵難逃鼎鉞之深文以今燭散蓮輝香
殘蘭篆觚稜月淡回紫府之靈旂斜漢星稀
返清都之彩仗紅塵莫挽碧落徒瞻臣與醮
官等不勝攀戀之至稽首再拜奉送

存神復鑪

香官使者左右龍虎君侍香諸靈官當令臣
設醮送星之所自然生金液丹碧芝英百靈
衆具交會在此香火鑪前令臣學道得道求
仙得仙齋主受福幽顯沾恩十方仙童玉女
侍衛蘭煙傳臣向來所啓速達逕御

問七

十七

中天二大尊帝九晨玉皇道君御前

靈寶領教濟度金書卷之一百四十



